

29049



16364



重修洛陽縣志卷之十九

藝文之八



詩四 長短句附

晉

思歸引

石崇

思歸引歸河陽假余翼鴻鶴高飛翔經芒阜濟河梁整戎
舊館心悅康清渠激魚傍徨鴈驚泝波羣相將終日周覽
樂無方登雲閣列姬姜拊絲竹叩宮商宴華池酌玉觴

洛陽縣志

卷之十九 七古

一

唐

歸情代郭氏荅盧照鄰

駱賓王

迢迢芊路望芝田眇眇函關恨蜀川歸雲已落涪江外還
雁應過洛水屢洛水傍連帝城側帝宅層甍垂鳳翼銅駝
路上柳千條金谷園中花幾色柳葉園花處處新洛陽桃
李應芳春妾向雙流窺石鏡君任三川守玉人此時離別
那堪道此日空牀對芳沼芳沼徒遊比目魚幽徑還生拔
心艸流風回雪儻便娟驥子魚文實可憐擲果河陽君有
分貨酒成都妾亦然莫言貧賤無人重莫言富貴應須種

綠珠猶得石崇憐，飛燕曾經漢王寵。良人何處醉縱橫，直如循默守空名。倒提新綠成慷慨，翻將故劍作平平。離前吉夢成，蘭兆別後啼痕上。竹生別日，分明相約束。已取宜家成誠勗，當時擬弄掌中珠。豈謂先摧庭際玉，悲鳴五里無人問。腸斷三聲，誰爲續。思君欲上望夫臺，端居懶聽將雛曲。沈沈落日，向山低簷前。歸燕竝頭，栖抱膝當窗看。夕兔側耳空房聽。曉鷄雜蝶臨階，抵自舞啼鳥。逢人亦助啼。獨坐傷孤枕，春來悲更甚。峨眉山上，月如眉。濯錦江中霞似錦。錦字回文，欲贈君劍壁。層峰自亂紛。平江淼淼分清浦。長路悠悠聞白雲。也知京洛多佳麗，也知山岫遙虧蔽。無那短封，卽疎索不在長情守。期契傳聞織女對牽牛。相望重河隔淺流。誰分迢迢經兩歲。誰能脉脉待三秋。情知唾井終無理，情知覆水也難收。不復下山能借問，更向盧家字莫愁。

家字莫愁

寒食還陸渾別業

宋之問

洛陽城裏花如雪，陸渾山中今始發。旦別河橋楊柳風，夕臥伊川桃李月。伊川桃李正芳新，寒食山中酒復春。野老不知堯舜力，酣歌一曲太平人。

宿雨霽氛埃流雲度城闕河堤柳新翠苑樹花先發洛陽
花柳此時濃山水樓臺映幾重羣公拂霧朝翔鳳天子乘
春幸鑿龍鑿龍近出王城外羽從琳琅擁軒蓋雲罕纔臨
御水橋天衣已入香山會山壁嶄巖斷復連清流澄澈俯
伊川雁塔遙遙綠波上星龕奕奕翠微邊層巒舊長干尋
木遠壑初飛百丈泉綵仗蜺旌遶香閣下輦登高望河洛
東城宮闕擬昭回南陌溝塍殊綺錯林下天香七寶臺山
中春酒萬年杯微風一起祥花落仙樂初鳴瑞鳥來鳥來
洛陽縣志
卷之十九 七古
三
花落紛無已稱觴獻壽煙霞裏歌舞淹留景欲斜石關猶
馭五雲車鳥旗翼翼留芳草龍騎駸駸映晚花千乘萬騎
鑾輿出水靜山空嚴警蹕郊外喧喧引看人傾都南望瀟
車塵囂聲引颺聞黃道佳氣周迴入紫宸先王定鼎山河
固寶命乘周萬物新吾王不事瑤池樂時雨來觀農扈春
洛中晴月送殷四入關
劉希夷
清洛浮橋南渡頭天晶萬里散華洲晴看石瀨光無數曠
入寒潭浸不流微雲一點曙煙起南陌憧憧遍行子欲將
此意與君論復道秦關尚千里

長相思

蘇頌

君不見天津橋下東流水南望龍門北朝市楊柳青青宛
地垂桃紅李白花參差花參差柳堪結此時憶君心斷絕

古意

吳少微

洛陽芳樹向春開洛陽女兒平旦來流車走馬紛相催折
芳瑤華向曲臺曲臺自有千萬行重花累葉間垂楊北林
朝日鏡明光南國微風蘇合香可憐窈窕女不作邯鄲娼
妙舞輕迴拂長袖高歌浩唱發清商歌終舞罷歡無極樂
往悲來長歡息陽春日日不少留紅榮碧樹無顏色碧樹
洛陽縣志

卷之十九 七古

四

風花先春度珠簾粉澤無人顧如何年少忽遲暮坐見明
月與白露明月白露夜已寒香衣錦帶空珊珊今日陽春
一妙曲鳳皇樓上與君彈

闕題 見玉臺後集

楊師道

漢家伊洛九重城御路浮橋萬年平桂戶雕梁連綺翼叮
梁繡柱映丹楹朝光欲動千門曙麗日初照百花明燕趙
蛾眉舊傾國楚宮腰細本傳名二月桑津期結伴三春淇
水逐關情蘭叢有意飛蝶蝶柳葉無趣隱啼鶯扇裏細妝
將夜並風前獨舞共花榮雨鬢百萬誰論價一笑千金判

是輕不爲披圖來侍寢非因主第奉身迎羊車詎畏青門
閉兔月今宵照後庭

和太尉戲贈高陽公

上官儀

薰爐御史出神仙雲鞞羽蓋下芝田紅塵正起浮橋路青
樓遙敞御溝前傾城比態芳菲節絕世相嬌是六年慣是
洛濱要解佩本是河間好數錢翠釵照耀銜雲髮玉步透
迤動羅袜石榴紋帶輕花轉桃枝綠扇微風發無情拂袂
欲留賓詎恨深潭不可越天津一別九秋長豈若隨聞三
日香南國自然勝掌上京家復是憶王昌

洛陽縣志

卷之十九

七古

五

洛陽女兒行

王維

洛陽女兒對門居纔可容頰十五餘良人玉勒乘馳馬侍
女金盤膾鯉魚畫閣朱樓盡相望紅桃綠柳垂簷向羅幃
送上七香車寶扇迎歸九華帳狂夫富貴在青春意氣驕
奢劇季倫自憐碧玉親教舞不惜珊瑚持與人春窗曙滅
九微火九微片片飛花瓊戲罷會無理曲時妝成祗是薰
香坐城中相識盡繁華日夜經過趙李家誰憐越女顏如
玉貧賤江頭自浣紗

同張員外誣誚荅之作

李頎

洛中高士日沈冥，手自灌園方帶經。王湛牀頭見周易，長
康傳裏好丹青。鶻冠葛屨無名位，博奕賦詩聊遣意。清言
只到衛家兒，用筆能誇鍾太尉。東籬二月種蘭蓀，窮巷人
稀鳥雀喧。聞道郎官問生事，肯令鬢髮老柴門。

愛敬寺古藤歌

同上

古藤池水盤樹根，左攫右拏龍虎蹲。橫空直上相陵突，丰
茸離纒若無骨。風雷霹靂遶黑枝，人言其下藏妖魑。空庭
落葉乍閉合，十月苦寒常倒垂。憶昨花飛滿空殿，密葉吹
香飯僧遍。南端雙桐一百尺，相與年年老霜霰。

洛陽縣志

卷之十九 七古

六

憶舊遊寄譙郡元參軍

李白

憶昔洛陽董糟邱，爲余天津橋南造酒樓。黃金白璧買歌
笑，一醉累月輕王侯。海內賢豪青雲客，就中與君心莫逆。
迴山轉海不作難，傾情倒意無所惜。我向淮南攀桂枝，君
留洛北愁夢思。不忍別還相隨，迢迢訪仙城。三十六
曲水迴環，一溪初入千花明。禹擊度盡松風聲，銀鞍金絡
倒平地。漢東太守來相迎，紫陽之真人邀我吹玉笙。餐霞
樓上動仙樂，嘈然宛似鸞鳳鳴。袖長管催欲輕舉，漢中太
守醉起舞。手持錦袍覆我身，我醉橫眠枕其股。當筵意氣

凌九霄星離雨散不終朝分飛楚關山水遙余旣還出尋
故巢君亦歸家渡渭橋君家嚴君勇貔虎作尹并州邊戎
虜五月相呼度太行摧輪不道羊腸苦行來北涼歲月深
感君貴義輕黃金瓊杯綺食青玉案使我醉飽無歸心時
時出向城西曲晉祠流水如碧玉浮舟弄水簫鼓鳴微波
龍鱗沙草綠興來携妓恣經過其若楊花似雪河紅粧欲
醉宜斜日百尺清潭寫翠娥翠娥嬋娟初月輝美人更唱
舞羅衣清風吹歌入空去歌曲自繞行雲飛此時行樂難
再遇西遊因獻長楊賦北闕青雲不可期東山白首還歸
洛陽縣志

卷之十九

七六

七

去渭橋南頭一遇君鄧臺之北又離羣問余別恨知多少
落花春暮爭紛紛言亦不可盡情亦不可極呼兒長跪絨
此辭寄君千里遙相憶

扶風豪士歌

同上

洛陽三月飛胡沙洛陽城中人怨嗟天津流水波赤血白
骨相撐如亂麻我亦東奔向吳國浮雲四塞道路賒東方
日出啼早鴉城門人開掃落花梧桐楊柳拂金井來醉扶
風豪士家扶風豪士天下奇意氣相傾山可移作人不倚
將軍勢飲酒豈顧尙書期雕盤綺食會衆譽異歌趙舞香

風吹原嘗春陵六國特開心寫意君所知堂中各有二三
士明日報恩知是誰撫長劍一場眉清水白石何離離脫
吾帽向君笑飲君酒爲君吟張良未逐赤松去橋邊黃石
知我心

同河南李少尹畢員外宅夜飲時洛陽告捷遂作春

酒歌

高適

故人美酒勝濁醪故人清詞合風騷長歌滿酌惟吾曹高
談正可揮塵毛半醉忽然持蟹螯洛陽告捷傾前後武侯
腰間印如斗郎官無事時飲酒杯中綠蟻吹轉來甕上飛

洛陽縣志

卷之十九 七古

八

花拂還有前年持節將楚兵去年留司在東京今年獲拜
二千石盛夏五月西南行彭門劔門蜀山裏離離篋入劫
奪我到家但見妻與子賴得飲君春酒數十杯不然令我
愁欲死

雜言送黎六郎

韋應物

冰壺見底未爲清少年如玉有詩名聞語嵩峰多野寺不
嫌黃綬向陽城朱門嚴訓朝辭去騎出東郊滿飛絮河南
應下拜府君陽城歸路山氛氲山氛氲長不見釣臺水淥
荷已生少皞廟寒花始徧縣閑吏傲與塵隔移竹流泉常

拜幘莫言去作折腰官豈似長安折腰客

憶春草

春草樂天舞妓名

劉禹錫

憶春草處處多情洛陽道金谷園中見日遲銅駝陌上迎
風早河南大尹頻出難只得池塘十步看府門閉後滿街
月幾處遊人草頭歇館娃宮外姑蘇臺鬱鬱芊芊撥不開
無風自偃君知否西子裙裾會拂來

勸我酒

白居易

勸我酒我不辭請君歌歌莫遲歌聲長辭亦切此辭聽者
堪愁絕洛陽女兒面似花河南大尹頭如雪

洛陽縣志

卷之十九

七古

九

真信地櫻桃島上醉後走筆送別舒員外兼寄宗正

李卿考功崔郎中

同上

櫻桃島前春去春花萬枝忽憶與宗卿閑飲日又憶與考
功狂醉時歲晚無花空有葉風吹滿地乾重疊蹋葉悲秋
復憶春池邊樹下重殷勤今朝一酌臨寒水此地三迴別
故人櫻桃花來春千萬柔來春共誰花下坐不論崔李上
青雲明日舒三亦拋我

秋日與張賓客舒著作同遊龍門醉中狂歌并二百

三十八字

同上

秋天高高秋光清秋風裏秋蟲鳴嵩峯餘霞錦綺卷伊
水細浪鱗甲生洛陽閑客知無數少出遊山多在城商嶺
老人自追逐蓬邱逸士相逢迎南出鼎門十八里莊店遷
迤橋道平不寒不熱好時節鞍馬穩快衣衫輕並轡踟躕
下西岸扣舷容與繞中汀開懷曠達無所繫觸目勝絕不
可名荷衰欲黃荇猶綠魚樂自躍鷗不驚翠藻萼長孔雀
尾衫船櫓急寒雁聲家醞一壺白玉液野花數把黃金英
晝遊四看西日暮夜話三及東方明暫停杯觴輟吟咏我
有狂言君試聽丈夫一生有二志兼濟獨善難得并不能
救療生民病卽須先濯塵土纓况吾頭白眼已闇終日戚
促何所成不如展眉開口笑龍門醉臥香山行

舒員外遊香山寺數日不歸兼辱尺書大誇勝事時

正直坐衙慮囚之際走筆題長句以贈之

同上

香山石樓倚天開翠屏壁立波環迴黃菊繁時好客到碧
雲合處佳人來酡顏一笑天桃綻清吟數聲寒玉哀軒騎
透遲權容與留連三日不能迴白頭老尹府中坐早衙纔
退暮衙催庭前堦上何所有纍囚成貫案成堆豈無池堦

長秋草亦有絲作生塵埃今日清光昨夜月竟無人來勸
一盃

池上作

同上

西溪風生竹森森南瀉萍開水沉沉叢翠萬竿解岸色空
碧一泊松江心浦派縈迴誤遠近橋島向背迷窺臨澄瀾
方丈若萬頃倒影咫尺如千尋泛然獨遊逸然坐坐念行
心思古今莫裏不聞有泉沼西河亦恐無雲林豈如白翁
退老地樹高竹密池塘深華亭雙鶴白矯矯太湖四石青
岑岑眼前盡日更無客膝上此時唯有琴洛陽冠蓋自相
洛陽縣志

卷之十九 七古

七

索誰肯來此同抽簪

哭師臯

同上

南康丹旆引魂迴洛陽籃舁送藎來北邙原邊尹村畔月
苦煙愁夜過半妻孥兄弟號一聲十二人腸一時斷往者
何人送者誰樂天哭別師臯時平生分義向人盡今日哀
冤唯我知我知何益徒垂淚籃輦迴竿馬迴轡何日重聞
掃市歌誰家收得琵琶伎蕭蕭風樹白楊影蒼蒼露草青
蒿氣更就墳前哭一聲與君此別終天地

題龍門堰西澗

同上

東岸菊叢西岸柳柳陰烟合菊花開一條秋水琉璃
狹纔容小舫迴除却悠悠白少傳何入解入此中來

池土篇

并序

同土

都城風土水木之勝在東南偏東南之勝在履道
里里之勝在西北隅西開北垣第一第卽白氏曼
樂天退老之地地方十七畝屋室三之一水五之
一竹九之一而島樹橋道間之初樂天旣爲主
且曰雖有臺無粟不能守也乃作池東粟廩又曰
雖有子弟無書不能訓也乃作池北書庫又曰雖

洛陽縣志

人

卷之十九

七古

三

有賓朋無琴酒不能娛也乃作池西琴亭加石樽
焉樂天罷杭州刺史時得天竺石一華亭鶴二以
歸始作西平橋開環池路罷蘇州刺史時得太湖
石白蓮折腰菱青版舫以歸又作中高橋通三島
徑罷刑部侍郎時有粟千斛書一車洎臧獲之習
篔簹竝歌者指百以歸先是潁川陳孝山與釀法
酒味甚佳博陵崔叔與琴韻甚清蜀客姜發授

秋思聲甚淡宏農場貞一粟青石三石長平滑可
以坐臥太和三年夏樂天始得請爲太子賓客分

秩於洛下息躬於池上凡三任所得四人所與泊
吾不才身今率爲池中物矣每至池風春池月秋
水香蓮開之且露清鶴唳之夕拂揚石舉陳酒援
崔琴彈姜秋思頽然自適不知其他酒酣琴罷又
命樂童登中島亭合奏霓裳散序聲隨風飄或散
悠揚於竹烟波月之間者久之曲未竟而樂天陶
然已醉睡於石上矣睡起偶咏非詩非賦阿龜握
筆因題石間視其粗成韻章命爲池上篇云爾

十畝之宅五畝之園有水一池有竹子竿勿謂上狹勿謂

洛陽縣志

卷之十九

七古

三

地偏足以容膝足以息肩有堂有庭有橋有船有書有酒
有歌有弦有叟在中白鬚飄然識分知足外無求焉如鳥
擇木姑務巢安如龜居坎不知海寬靈鶴怪石紫菱白蓮
皆吾所好盡在吾前時飲一杯或吟一篇妻孥熙熙雞犬
閑閑優哉游哉吾將終老乎其間

達哉樂天行

同上

達哉達哉白樂天分司東都十三年七旬纔滿冠已挂半
祿水及車先懸或伴遊客春行樂或隨山僧夜坐禪二年
忘却問家事門庭多草廚少烟庖童朝告鹽米盡侍婢暮

訴衣裳穿妻孥不悅甥任悶而我醉臥方陶然起來與
畫生計薄產處置有後先賣南坊十畝園次賣東都五
頃田然後兼賣所居宅彷彿獲緡二三千半與爾充衣食
費半與吾供酒肉錢吾今已年七十一眼昏鬚白頭風眩
但恐此錢用不盡卽先朝露歸夜泉未歸且住亦不惡饑
餐樂飲安穩眠死生無可無不可達哉達哉白樂天

東溪待蘇戶曹不至

張萬頃

洛陽城東伊水西千花萬竹使人迷臺上柳枝臨岸低門
前荷葉與橋齊日暮待君君不見長風吹雨過青溪

洛陽縣志

卷之十九 七古

十四

送包佶賦得天津橋

皇甫冉

洛陽歲暮作征客

相望依然一水間相

思已如千年隔晴烟霽景滿天津鳳閣龍樓映水濱豈無
朝夕軒車度其奈相逢非所親鞏樹甘陵愁遠道他鄉一
望人堪老君報還期在早春橋邊日日看芳草

感春五首之二

分司東都作

韓愈

洛陽哀風幾時來川波岸柳春全迴宮門一鎖不復啟雖
有九陌無塵埃策馬上橋朝日出樓闕赤白正崔嵬孤吟
屢闕莫與和寸恨至短誰能裁

寄盧全

憲宗元和六年
河南令時作

同上

玉川先生洛城裏破屋數間而已矣一奴長鬚不裹頭一婢赤腳老無齒辛勤奉養十餘人上有慈親下妻子先生結髮憎俗徒閉門不出動一紀至今鄰僧乞米送僕忝縣尹能不恥俸錢供給公私餘時致薄少助祭祀勸參留守謁大尹言語纔及輒掩耳水北山人得名聲去年去作幕下士水南山人又繼往鞍馬僕從塞間里少室山人索價高兩以諫官微不起彼皆刺口論世事有力未免遭驅使先生事業不可量惟用法律自繩已春秋三傳東高閣獨

洛陽縣志


卷之十九

七古

五

抱遺經究終始在年弄筆嘲同異怪辭驚衆謗不已近來自說尋坦途猶上虛空跨綠駟去年生兒名添丁意令與國充耘耔國家丁只遺四海豈無農夫親耒耜先生抱才終大用宰相未許終不仕假如不在陳力列立言垂範亦足恃苗裔當蒙十世宥豈謂貽厥無基陞故知忠孝生天性潔身亂倫安足擬昨晚長鬚來下狀隔牆惡少惡難似每騎屋山下窺闔渾舍驚怕走折趾憑依婚媾欺官吏不信令行能禁止先生受屈未會語忽此來告良有以嗟我身為赤縣令操權不用欲何俟立召賊曹呼伍伯盡取鼠

軍戶諸市先生又遣長鬚來如此處置非所喜况又時當
長養節都邑未可猛政理先生固是余所畏度量不敢窺
涯涘攸縱是誰之過歟效尤戮僕愧前史買羊沽酒謝不
敏偶逢明月曜桃李先生有意許降臨更遣長鬚致雙鯉
誰氏子 呂吳河南人元和中棄其妻著道士服謝母
曰當學仙王屋山去數月復出見河南少尹
李素素立之府門使吏卒脫
道士服給冠帶送付其母 同上

非癡非狂誰氏子去入王屋稱道士白頭老母遮門啼挽
斷衫袖留不止翠眉新婦年二十載送還家哭穿市或云
欲學吹鳳笙所慕靈妃嬋蕭史又云時俗輕尋常力行險
洛陽縣志  卷之十九 七古 共
怪取貴仕神僊雖然有傳說知者盡知其妄矣聖君賢相
安可欺乾死窮山竟何俟嗚呼余心誠豈弟願往教誨究
終始罰一勸百政之經不從而誅未晚耳誰其友親能哀
憐寫吾此詩持送似

贈侯喜 貞元十七年七月二十二日愈與李景興侯
喜尉遲汾同漁於洛有石刻在焉詩必是時

作

吾黨侯生字叔起 古起 呼我持竿釣温水平明鞭馬出都

門盡日行行荆棘裏温水微茫絕又流深如車轍濶容朝

蝦蟆跳過雀兒浴此縱有魚何足求我爲侯生不能已盤

同上

針擘粒投泥滓曉時堅坐到黃昏手倦目勞方一起暫動
還休未可期蝦行蛭音質渡似皆疑舉竿引線忽有得一寸

說鱗與鬚是日候生與韓子良久歎息相看悲我今行
事盡如此此事正好爲吾規半世遑遑就舉選一名始得
紅顏衰人間事勢豈不見徒自辛苦終何爲便當提携妻
與子南入箕潁無還時叔起君今氣方銳我言至切君勿
嗤君欲釣魚須遠去大魚豈肯居沮洳去聲

河南令舍池臺

同上

灌池纔盈五六丈築臺不過七八尺欲將層級壓籬落未

洛陽縣志

卷之十九 七古

七

許波瀾量斗石規摹雖巧何足誇景趣不遠真可惜長令
人吏遠趨走已有蛙鼃助狼籍

洛橋晚望

孟郊

天津橋下水初結洛陽陌上人行絕榆柳蕭疎樓閣閑月
明直見嵩山雪

洛姝真珠

李賀

真珠小娘下清廓洛苑香風飛綽綽寒鬢斜釵玉燕光高
樓唱月敲懸璫蘭風桂露灑幽翠紅炷裏雲烟深處花覆
白馬不歸來濃蛾疊柳香燐醉金鸞屏鳳蜀山夢鷺蘼風

帶行煙重八驄籠冕臉差移口絲繁散曠羅洞市南幽陌
無秋涼楚腰衛鬢四時芳玉喉篠篠排空光牽雲曳雪留
陸郎

苦雪寄退之

盧仝

天王二月行時令白銀作雪漫天涯山人門前徧受賜平
地一尺白玉沙雲頽月壤桂英下鶴毛風剪亂參差山人
屋中凍欲死千樹萬樹飛春花菜頭出土膠入地山莊取
粟埋却車冷絮刃生削峭骨冷斃斧破慰老牙病妻煙眼
淚滴滴飢嬰哭乳聲嗷嗷市頭博米不用物酒店買酒不

洛陽縣志

卷之十九 七古

六

肯睜闢道西風弄劍戟長溝一作街殺人如亂麻天眼高開

欺草芽我死未肯與歎嗟但恨口中無酒氣劉伶见我相
揄揶清風攪腸筋力絕白灰壓屋梁柱斜聖明有道 命
漢可得再見朝日耶柴門沒脛書不埽黃昏遶樹棲寒鴉
唯有河南韓縣令時時醉飽過貧家

天津橋

劉義

洛陽宮闕照天地四面山川無毒氣誰令漢祖都秦關從
此姦雄轉相熾

洛陽塵

釋貫休

昔時昔時洛城人今作茫茫洛城塵我聞言有石季倫樓
臺五色千星辰樂如天樂日夜聞錦妹繡妾何紛紛真珠
簾中姑射神金線玉香成暮雲孫秀若不殺晉室應更貧
伊水削行路塚石花磷磷蒼茫金谷園牛羊齧荆榛飛鳥
好羽毛疑是綠珠身

宋

送張屯田歸洛歌

歐陽修

昔年洛浦見花落曾作悲歌歌落花愁來欲遣何可奈時
高金河尋杜家杜家花雖非絕品猶可開顏爲之飲少年

洛陽縣志

卷之十九 七古

九

意氣易成權時不還家伴花寢一來京國兩傷春憔悴窮
愁九陌塵紅房紫蒼處處有騎馬欲尋無故人黃河三月
入隋河河水多時悵望多爲憐此水來何處中有伊流與
洛波忽聞君至自西京洗眼相看眼暫明心衰面老畏人
問驚我瘦骨清如水今年七月妹喪夫稚兒孀女啼呱呱
季秋九月予喪婦十月厭厭成病軀端居移病新城下口
不出門無過者獨行時欲強高歌一曲未終雙涕洒可憐
明日與春風歲歲年年事不同暫別已嗟非舊態再來應
是作衰翁感時惜別情無已無河送君空有淚西歸必有

問君人爲道別來今若此

洛陽牡丹圖

同上

洛陽地脉花最宜牡丹尤爲天下奇我昔所記數十種於今十年半忘之開圖若見故人面其間數種昔未窺各言

一作云

近歲花特異往往變出呈新枝洛人驚誇立名字買

種不復論家貲比新較舊難一作莫優劣爭先擅價各一時

當時絕品可數者魏紅窈窕姚黃妃壽安細葉開尙少一作

早朱砂玉版人

一作稍

未知傳聞千葉昔未有只從左紫名

初馳四十年間花百變最後最好潛溪辨今花雖新我未

洛陽縣志

卷之十九 七古

辛

識未信與舊誰妍媸當時

一作平

所見已云絕豈有更好一作

妍

此可疑古稱天下無正色但恐世好隨時移靸紅鶴翎

豈不美欵色如避新來姬何況遠說蘇與賀有類異世誇

嬌施造化無情宜一槩偏此著意何其私又疑人心愈巧

僞大

一作各

欲鬪巧窮精微不然元化朴散久豈特近歲尤

澆漓爭新一作先鬪麗若不已更後百載知何爲但應新花

日愈好惟有我老年年衰

韓欽聖問洛牡丹之感

梅堯臣

韓君問我洛陽花爭新較舊無窮已今年誇好方絕倫明

年好更還相比君疑造化特着意果乃區區可羞耻嘗聞
都邑有勝意既不鍾人必鍾此由是其中立品名紅紫葉
繁矜色美萌芽始見長蒿萊氣焰旋看壓桃李乃知得地
偶增異遂出羣葩號竒偉亦如廣陵多芍藥間并荒殘無
可齒淮山遠秀付草樹不產髦英產佳卉人於天地亦一
物固與萬類同生死天意無私任自然損益推遷寧有彼
彼盛此衰皆一時豈關覆燾爲偏委呼兒持紙書此說爲
我緘之報韓子

憶同尋上陽故宮路

司馬光

洛陽縣志

卷之十九 七古

三

上陽門外雲連草車馬遙遙往來道昔王遊豫幾何年今
人豈識當時好明珠翠羽已成塵道上行入幾番老當時
秋天落宮槐今此婆娑皆合抱

同府尹李給事遊上清宮

同上

洛城二月春搖蕩桃李盛開如步障高花下花紅相連垂
楊更出高花上閒陪大尹出都門邛阜真宮共尋訪不見
翠華西幸時臨風盡日獨惆悵

耆英會詩

文彥博

勿愛大名名遂忘西洛樂銅駝本自佳金鳳亦不惡二月

三月春融融千花萬花紅灼灼公乎早歸來莫負花前約
同賞狀元紅對酒劉師閣

前題

王拱辰

西都山水天下奇神嵩景室環清伊

上古太室山
為景室山

甫申間

氣秀不絕生賢會聖昌明時衣冠占數盛文雅合符卿月

光離離魏京雄奧壓幽朔遊宮御府嚴天威膏田千里翳

桑柘犀甲萬旅馴熊羆公當緩帶名三鎮懸赤繼軫承保

釐追惟契遇最深舊加復雍孟交旌麾仁皇一庄龍虎

榜桂堂先後攀高枝宦遊出處五十載鸞臺驥路俱騰夷

洛陽縣志

卷之十九 七古

五

三公極位固違隔五年以長猶肩隨公今復主鳳門鑰僕

亦再撫銅臺圻二京相望阻河廣三徑不克陪遊嬉忽聞

幹步踵門至投我十二蒼英詩整冠肅貌諷章句若坐寶

肆羅珠璣爲言白傅有高躅九君結社真可師欲令千載

著風迹亟就僧館圖神姿詞宗端殿序篇目滂灑大筆何

林滴眷言履道靡充拙菟裘近邑將營歸敢云繪素得精

筆願列霜壁如唐規退居舊相國元老十年還政瀍之涯

康寧富貴備五福靈寶盛氣如虹霓昔年大對繼臯董登

科賜第同一暮

皆天聖八年

紫垣步武旣通接金沙里開蓬鄰

比探禪論道劇訓對摩軋太古窮天機二賢
爵齒官學誰依稀今將圖畫表來世詎可下
景物佳園池銅駝坊西福善宅脩竹萬箇籠清漪天光臺
高未百尺下眺林嶺如屏帷花王千品畫殊勝風光繡畫
三春暉六相街中潞公第碧瓦萬木煙參差左隅廟雪本
經禮右閣宸翰尊星奎夢夢青鳳舞松栢煥爛素錦薰醑
醑石渠飛溜漱寒玉晝夜琴瑟鳴堦墀伊子陋宇治窮僻
姑喜地廣爲環溪樓名多景可曠望臺號風月延清輝四
各陽縣志

卷之十九 七古

三

時花藹不外假拏舟傲曠聊嬉怡懷歸撫事若饑渴恨無
羽翼西南飛人生交舊貴倫輩情親意接心相知豈無晚
秀負才蘊高談大笑拘禮儀洛中故事名義燕二毛第一
年相推濯冠登仕荷天寵尊君報國當我爲旣嗟大耋盡
知止納祿謝事皆所宜顧方比道倚煩劇朱計解紱披荷
衣長篇不令負花約

公貽莫負花
前約之句

爲指風什歌式微如羨

甘露爽心骨似柄玉塵親顏眉蘭叢雖未長羅宅菊英似
亦思陶籬子山已著小園賦彥倫猶愧鍾山移聊攬短引
謝招引肯使猿鶴常遭啜

禹行掘山走百谷蛟龍竄匿魑魅伏心志猶虞尚踈隙以
金鑄鼎空九牧冶雲赤天誦為黑韜風餘吹山拔木鼎成
聚觀變恠索夜义行歌鬼晝英功施元元後無極三姓衛
守相傳屬弱周無人有遺泉沉之九幽折地軸始皇決水
不可得坐令神姦窺邑屋

丙申歲余在京師鄉人陳景回自南來棄其官得太
子中允景回舊有地在蔡今將治園囿於其間以
自老余嘗有意於嵩山之下洛水之上買地築室

洛陽縣志

卷之十九 七古

七

以為休息之館而未果今景回欲余詩遂道此意
景回志余言異日可以知余之非戲云爾

蘇洵

岷山之陽土良腴江水清滑多鯉魚古人居之富者衆我
獨厭倦思移居平川如手山水感恐我後世鄙且愚經行
天下愛嵩嶽遂欲買地居婁琴晴原漫漫望不盡山色照
衣光如濡民生舒緩無天札衣冠堂堂偉丈夫吾今隱居
未有所更後十載不可無聞君厭蜀樂上蔡占地百頃無
邊隅草深野潤足狐兔水種陸取身不劬誰如李斯顧秦

寵不獲牽大追黃狐今君南去已足老行看嵩少當吾處

別子由

白黃遷汝

蘇軾

先君昔愛洛城居我今亦過嵩山麓水南卜居吾豈敢試
向伊川買修竹又聞緱山好泉眼傍市穿林瀉水玉想見
茅簷照水開兩翁相對清如鵠

郭熙畫秋山平遠

同上

玉堂晝掩春日閑中有郭熙畫春山鳴鳩乳燕初睡起白
波青嶂非人閒離離短幅開平遠漠漠疎林寄秋晚恰似
江南送客時中流回頭望雲巘伊川佚老鬢如霜臥看秋
洛陽縣志

卷之十九 七古

五

山思洛陽爲君紙尾作行草炯如嵩洛浮秋光我從公游
如一日不覺青山映黃髮爲畫龍門八節灘待向伊川買
泉石

獨樂園

蘇轍

予嗟邱中親藝麻邵平東陵親種瓜今東去事農圃亦
種洛陽千本花修篁繞屋韻寒玉平泉入畦紆臥蛇錦屏
奇種斲巖竇嵩高靈藥移萌芽城中三月花事起肩輿遍
入公侯家淺紅深紫相媚好重樓多葉爭矜誇一枝盈尺
不論價十千斗酒那須賒歸來曳履苔徑滑醉倒閉門春

日斜

奉先寺

張耒

荒涼城南奉先寺，後宮美人宮壑此。角樓相望高麗臺，
閭楹下多石人跡。單焚骨不作塚，青石浮屠當邱墳。冢家
墳上作饗亭，朱門相向無人聲。樹頭土鼻作人語，月黑風
憑鬼搖樹。宮中養女作子孫，年年犢車來作主。廢后陵園
官道側，冢破無人掃。陵域官家歲給半千錢，街頭買餅作
寒食。

香山示孔處厚

晁冲之

各陽縣志

卷之十九 七古

美

我來南經幾山過，馬行似衝山色破。風爛席卷崑穴開，洞
花滌迴水流左。懸崖彷彿聞松聲，下瞰幽深鳥飛墮。老夫
它年有所歸，定結白茅依紫邏。日高下馬古寺門，魚鼓欣
聞脫清餓。道人碧眼照川谷，雲起盤陀藉高坐。殷勤勸我
更莫歸，唳鶴啼猿亦相和。窻前笑喚祁孔賓，世間安用招
魂些。

龍門行

范純仁

皇圖經野臨中天，北有大河南陸渾。陸渾之下伊之源，直
走關塞侵山根。此山不斷亘地軸，逆爲汝海波濤翻。怒馬

天意有不測，謳開峽口流如吞。長波萬練卷空過，貫都會
洛風霆奔崖岸，相嵌竦天闕。此號鑿龍爲禹門，石道盤紆
入幽邃。杉松隱映皆祇園，下窺朝市但塵土。不與人世同
囂喧，天章閣老真相嗣。詔委北陞嚴國藩，前騶驅駟聊盤
桓。憑高置酒臨巖軒，是月嘉平臘。將盡春風料峭，烟霾昏
圭陰。表日影漸正，玉沙透水波先溫。杳杳端闈照宸極，壯
以嶠函周轅轅。超然宴覽動咨嘆，坐預國論漸真頑。乃知
公旦卜洛意，根本繫時亡與存。法官在今宜有制，上憲太
微尊至尊。乘杓布政朝萬玉，莫如洛宅當乾坤。三陵氣象
洛陽縣志

卷之十九 七古

三

貫星野慶雲祚百雲來，孫豈惟設險御諸夏。亦以捍患安
元元爲於可爲事，乃濟噐大重遷咸有言。賤臣幽退冒及
此願對上前圖籍論

姚黃 并序

徐積

紫霄漫翁李道源見約分吟姚黃，余畏其才不敢
措筆，不得已而後塞命。因爲之序曰：天下牡丹九
十餘種，而姚黃居第一。其名雖千葉而實不可數，
或累計萬有餘英，不然不足高一尺也。花肉旣重，
其梢下屈如一噐，欹側之狀，此亦花之巨美而精。

傑者乎是宜見於詩而不可泯然使寂寂也

黃河南畔伊川北姚家宅是真花窟古來多少豪奢兒埋却千鶯萬鶯骨中央精粹得之多西方秀氣來相和天與明光常借日水宮暗脉正通河春風如酒半酣時誰教穀雨報花期司馬坂前嬌半啓洛陽城內人俱知姚家門巷車馬填牆頭墻下人差肩花上紅綃都蔽日花傍翠幕恰如烟玉面兒來爭供帳錦袍郎去鬪拋錢無人不說姚花好費却春功亦不少日長風暖綠梢低坐上金仙困將倒鞠塵餅劑和香檀何以貯之承露槃爛錦脫來嫌太艷鮮

洛陽縣志

卷之十九 七古

三

衣染就欲駮鸞君看此花肌肉豐一尺餘高千萬重粧面深藏青步障寶冠斜墮碧霞叢步播好稱釵鳳凰玉環屏佩珠鳴璫帝女何緣心好道阿嬌安用金爲房紺窠累樓舒鴈雛沉烟噴出狻猊爐一種養成餘意態千花瘦盡春肌膚峨峨一器歌且傾覆杯難辨鍾與甃染以鮫綃求正色叩之玉挺希宮聲魏家紅共牛家碧迭霸花中聳高格如今俛首甘下風九十種中爲第一此花莫似武昭儀出得宮來不畫眉情貌欲爲狐媚態衣裳却是比邱尼楊妃本是傾國身脫却紅襦號太真河水欲濡頭上髻馬嵬猶

着舊時裙物色一定猶可疑人心作變宜難知容易莫評
真與欺貌或如是心或非君不見老莊有深意萬物之中
最防僞

遊獨樂園

宗澤

范公之樂後天下維師温公乃獨樂二老致意出處間殊
塗同歸兩不惡鄙夫杖藜訪公隱步無石砌登無閣堂卑
不受有美奪地僻寧遭景華拓始知前輩稽古力晏子蕭
何非妄作細讀隸碑增慷慨端正似之宜再拜種藥作時
醫國手澆花成林膏澤大見山臺上飛塵多高山仰止如
洛陽縣志

卷之十九

七古

完

公在

步虛

陸放翁

曩者過洛陽宮闕侵雲起今者過洛陽蕭然但荒壘銅甃
臥深棘使我惻愴多可憐陌上人亦復笑且歌世事茫茫
幾成壤萬人看花身獨在北邙秋風吹野蒿古冢漸平新
冢高

金

天津橋同李之純待月一首

高廷玉

騷鷹追散仙乘槎抵銀潢跳上玉龍背抱得銀蟾光素娥

愁不歸再拜捧瓊觴問以天上事玉色儼以莊爾能爲我
歌白雪我亦爲爾搗元霜不然借我廣寒殿與我長作無
何鄉傍有謫仙人拍手笑我狂天風忽吹散人月兩茫茫
龍門
魏搏霄

少壁右臂禹所斷開排清伊來高寒土肉蒼石自古秀山
腰流泉無時乾佛髻滴滴染濕翠松風颼颼鳴驚湍白傳
已矣不可見子誰從之投歸鞍

元

題晉劉琨雞鳴舞劍圖

吳萊

洛陽縣志

卷之十九 七古

三

我行洛陽大道邊一雙蒼鷲飛上天惜哉春水御溝去化
作胡兒飲馬泉前山雞鳴夜欲半古劍隨身舞零亂白光
虎躍騰雪霜神氣龍蟠貫星漢望中沙漠昏正蹇舉手頓
倒髮冲冠鹿盧螭動卽千里蘭子戲成徒七盤人生豈無
志事在僅有淚疲兵獨困守劇虜翻強鷲孔融才疎不足
多袁紹衆盛空黃河代公土地仍同患段國風塵謾列戈
世間壯士但老死凍鐵沉埋何處使千秋嗚歲青金虬恨
不鑄得劉并州

扶宗宏教大師奉詔修白馬寺紀實作詩聊爲矐矐

龍川大士僧中雄名響夙昔聞天聰詔命殿上坐持論慈
雲涌出琉璃筒衆流截斷具真見有敵不敢當機鋒帝師
歡喜上奏請賜號宏教扶其宗沙門邇來亦官府不肯塗
抹欺愚蒙三年演法向隴右疆梗相化爲溫恭不假砭劑
開盲聾如散金寶資貧窮黃梅早識是法器石鞏還見羞
張弓皇家三寶方褒崇白馬金碧餘蒿蓬誰其承此大緣
法獨有宏教當宸衷玉音欸密自天下袈裟更染征塵紅
愛君透脫法眼正敬君自在他心通平生交友慎許可物
洛陽縣志

卷之十九 七古

三

外莫奪能相同古來名刹多秦中南山北山千萬峰就中
韋杜天尺五後會復此何時逢雲堂夜對興教塔鈴音也
自怨東風

明

石崇墓

劉基

蚪須欲怒珊瑚折步障圍春錦雲熱真珠換妾勝驚鴻笑
踏香塵如踏空酒闌金谷鶯花醉家逐樓前舞裙墜財多
買得東市愁綺羅散盡餘荒邱猶憐白首同歸者衣伴遊
魂封樹下

洛陽劍客歌爲程景陽作

趙法

洛陽古稱豪傑窟奇材劍客尤超忽漢家三十六將軍劇
孟歸來如敵國爭誇玉貝高拄頤曼胡短後世兒嬉平生
恥學一人敵胸中耿耿誰能知功名何必慚廉藺排難解
紛聲愈振白頭恨不當單于誤身竟坐封侯印長安卿相
真庸奴鬼妾鬼馬窮歡娛一朝萬事成瓦裂金錢果爲何
人輸君不見洛陽劍客藏名久好盡中山千石酒精靈變
化會有時莫遣光芒射牛斗

洛中有感

方孝孺

洛陽縣志

卷之十九 七古

三

前年停車汴水陽鄭公延我政事堂是時梁園花亂發遊
蜂乳燕春滿牆綠酒浮觴面玉白繡衣耀座腰金黃豈知
造化不容物俊傑俄爲土中骨重來訪舊無一存冠蓋年
華兩飄忽堂中遺跡愴人意粉圖素壁銀鈎麗道廣長懷
濟物心數竒竟負匡君志文章爛熳空自苦政術廉平索
誰記官僚薦書嗟我遲妻子思家歸未遂感此臨風涕淚
垂出門上道風塵翳西行境內五百家到處逢人說善治
洛陽城中迎歲新正思昔日梁園春河內忽過張少府意
氣遂同鄭老真臘梅盈庭花璀璨銀燭照夜光璘珣登高

訪古隘八極歡酒笑談驚四鄰我被虛名浪羈束齊志
皇炊不熟明朝又渡滬水西行李再經蜀棧北丈夫會合
當有時各展忠心報王國

夾馬營懷古

金九成

春風獵獵吹我裳馬行十日征途長迷烟楊柳綠成行春
色迢遞敷花香荒林一帶洛之陽短簷茅屋民風龐土人
指點告行客曾有帝子潛龍光憶昔衰唐久失馭紛紜五
季爭雄據焚香夜禱心何處忽降真人洛水邊營中赤光
宵燭天千軍錯愕驚欲喧面方耳大無人嫌日侍龍袞叅
洛陽縣志

卷之十九

七古

七

機權一朝羽檄馳太原帝命仗鉞靖烽烟馬上黃衣忽被
體殿前點檢已天子八挺六合咸我家尺土何心戀桑梓
當時踪跡近千年幾見滄海相變遷于今過客知多少荒
林間寂烟波渺淒淒往事何足論溪前陌上俱芳草我來
弔古重呻吟眼底愁兒春光新聞有頰祠隱林薄何由停
鞭相追尋嗟嗟興廢亦常運興何羨兮廢何憫君不見汴
梁自昔稱帝都孫枝奕葉爭扶踈幹離萬騎南渡河變望
北走廟社墟又不見臨安會駐天子蹕龍舟畫鷁盈西湖
韶華一旦又零落湖頭極目惟清波迴思今古增離索綠

水蒼烟互冥漠策轡迤邐度前村回首斜陽片雲落

黎節婦

崔譽

綠雲委地眉黛長年纔十七歸黎郎和容婉意行顏色
時常在年壽考朝入中厨暮上堂勤供飲食縫衣裳夫子
既好舅姑悅庭前草木生春光豈意良人棄中道輻草
慢徂北邙流蘇綠帳捲鴛綺鉛花委置明鏡藏孤燈照人
頭易白踈風冷雨甘淒寒凌霄不改歲寒節嗟哉如此鐵
石腸從來烈女有貞操敢與日月爭光芒

書香山九老圖

王恭

洛陽縣志

卷之十九

七古

十四

唐家名臣白居易暮年脫略青雲器抗節羞趨當路門拂
衣起謝人間事以茲疎散受香山洛下羣公亦遂閑玉堂
金馬俱殘夢流水孤雲同去還石樓烟樹隴隴見八節迴
灘瀉秋練雲衣落落古松姿鶴髮皤皤凍梨面人生宦達
應如此豈必浮名絳青史楚國三生少見機竹林七子徒
爲爾名遂身間古所稀洛陽山水又清暉青山何處無佳
賞白首湮沉空布衣

賦得金谷園障子

李孝言

誰將金谷傳毫素座上無人不自顧乍展旋驚澗水流纔

開已識河陽路四壁直看片錦圖中庭如見雙鬢度移府
休臨墜妓樓解衣欲掛沙棠樹彷彿明妃出塞吟聽來未
必梁塵誤詩成酌我我豈辭便過三斗無論數紅珠
恰當壚似留且往勢可呼意慘崑崙紫碎篠色寒滄海
珊瑚君家富貴合如此此時那知有障子縱然客散掩空
堂猶聞夜夜春風起

北邙

袁宏道

蒼松老氣風掀舞壘孤烟問無主銅駝陌上舊王侯吹
作行人面上土山頭白楊化爲姥夜夜田中驅石虎衣冠
洛陽縣志

卷之十九 七古

畫

北向拜壽陵樹上烏鴉能漢語

龍門行

彭綱

龍門兩山相對峙龍門河水流山裏龍門天造非禹功獨
向中州擅山水憶昔周公營洛都陰陽險阻歸謀謨炎劉
典午御區宇亦來闕塞陳基圖後來何人擅中國豔妻媼
佛禍山石洞中大像高幾尋山間小者亦數尺當時鉅鑿
斷民脂萬金不恤窮妖竒誰知佛死無靈氣諸魔依託
夜啼右擊疑鼓左疑鑼神州漸見交兵戈梁皇餓死人
在魏國分崩石佛多我來問俗偶登眺坐觀今古資一笑

東山寂寞西山闊忽聽漁舟崖下叫

國朝

伊闕行

呂履恒

秋原何瑟瑟西風吹巷陌我行伊闕道俛仰感今昔伊闕
由來地勢雄屯雲嚙水倒長空澗瀝卜宅仍周甸伊洛安
流溯禹功周甸荒蕪那可問禹功磨滅巖崖盡秦漢而還
多戰爭六朝元魏東西晉此時天下無安土膏原血草民
荼苦羅什西來釋教興鏡山鑿石棲神宇方丈宏開地十
洲浮圖高及天尺五楊白花飛南渡江空玉冥力願相降
洛陽縣志

卷之十九

七古

美

已出帑金鍤鐵像還將宮錦繡珠幢鈴鐸宵聞十里餘白
毫光照月生初朱門玉粲僧徒餒餓殍枯骨填空渠吁嗟
乎重華之世民鼓腹其時穀貴於珠玉絕地天通厭鬼謀
枕席蒼黎曰不足如之何輕用民力至此極使民饑弗食
勞弗息吞聲向天不敢泣紛縻血肉塗巉石瓊宮金地今
何在陰厓惟見幽燐碧如之何輕用民力至此極

後伊闕行

同上

青山忽破飛流洩吞吐天光互明滅東走嵩山西下秦中
原萬里開天闕天闕高高矗碧空中原漠漠見飛鴻山鳥

聲移紅樹外行人影在綠波中
兩舍石佛多無數面對城
中歌舞處當年歌舞已成塵
惟有鐘聲敲白露

洛陽縣志

卷之十九 七古

三



